

中國方志叢書・華北地方・第三三九號

據
清 未 著
朝 纂 修
抄 人 姓
本 氏
影 印

甘肅省

玉門縣志
(全)

成文出版社有限公司印行



10098504

中華民國五十九年 月壹一版

玉門縣志

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

玉門縣志



建置沿革



通志云靖逆赤金在周衰為西戎地秦月氏居之漢為酒泉敦煌貳郡地酒泉領縣曰玉門曰延壽師古曰闕駟云漢罷玉門關屯徙其人於此置縣元和志縣東至州貳百貳拾里五代晉高居誨使於闐志云肅州渡金河百里又西百里出玉門關即故玉門縣非沙州之玉門關也今赤金去肅州貳百叁拾里與古玉門縣道里

相彷彿字記延壽縣在酒泉郡西按古延壽縣地在今赤金境內自赤金以西方屬古敦煌郡地晉因之後魏置會稽郡後周廢郡并會稽新鄉延興為會稽縣延興即延壽隋開皇中改為玉門郡地玉門以西屬晉昌郡後為西涼李嵩所據隋屬敦煌郡地唐為瓜肅貳州地玉門以東屬肅州以西屬瓜州隸隴右道貞元後盡陷吐蕃宋入於西夏為回鶻所據景祐中元昊襲回鶻取之元時屬沙州肅州貳路隸甘肅行中

書省初畫嘉峪關為限永樂貳年有塔力尼稱
丞相苦水子率所部來降建赤金蒙古所以塔
力尼為千戶賜誥印捌年陞為衛屢進都督僉
事正德捌年吐魯番遣將據哈密大掠赤金奪
其印而去彭澤經畧西域始以印來歸赤金衰
弱不能自存乃因徙肅州嘉靖叁年閉關絕貢
嘉峪關以西不復經理

本

朝定鼎西夷內附康熙伍拾柒年置靖逆同知
開設屯田安插戶民雍正叁年裁以柳溝通判

改調靖逆廳領靖逆衛赤金所至乾隆柒年改
赤金所為衛伍衛各添衛千總壹員乾隆貳拾
肆年因西域武威拓疆貳萬餘里將靖赤改為
玉門縣

疆域形勝

石硤東屏名川西帶北控右地之庭南扼諸番
之阻咽喉垣塞表裏藩維

靖逆

東障玉門之屯西阻金山之硤當塞垣之襟帶
值車馬之通衢酒泉股肱嘉峪藩屏

赤金

玉門東障出入全省之咽喉石碇西峙表裏極
邊之鎖鑰新疆重地四塞通衢

玉門

玉門縣東至肅州所屬隻井子交界貳百肆拾
里至肅州叁百陸拾里西至安西州城叁百壹
拾里至安西所屬叁道溝交界伍拾里南至縣
屬昌馬湖壹百陸拾里係僻路並無隣封北至
縣屬撓斯兔壹百肆拾里東西長貳百玖拾里
南北濶叁百里

城垣

玉門縣土城壹座週圍計叁里叁分南北城門
貳道城樓貳座甕城貳座角樓肆座腰樓貳座
馬道貳座

赤金土城壹座週圍計貳里叁分零南北城門
叁座城樓叁座俱倒堞

惠回堡土城壹座週圍計壹里貳分零開東門
壹道城樓壹座

水利

靖逆渠水自南山發源會入昌馬河直注西北

在河口築埧壹道西流渠口寬肆尺東流渠口寬壹丈陸尺截水東流開西渠西邊渠中渠上東渠肆道上東渠又分渠貳道壹從東槽子西流壹從鞏昌河東北流灌下東渠並紅柳灣民屯地畝餘波入布魯湖中渠由黑崖子分派入口澆灌中渠戶民田地渠尾歸入大東渠西渠由城西經磨河灣東繞川北鎮花海子等處澆灌戶民田地渠尾入新渠西邊由西渠分支派流澆灌官庄子頭道溝等處屯田地渠尾入舊

渠柳渠由昌馬河口將水附入西流肆尺口水
流至下龍王廟分流支派入渠經流貳叁道溝
澆灌民屯地畝餘波西流入肆道溝由橋灣直
至安西州境內赤金渠水東西貳渠分渠肆道
自上赤金破城子發源湧泉數處滙流成河北
流伍里設立閘座分各渠東渠頭渠立閘壹道
寬陸尺貳渠立閘壹道寬叁尺西渠頭渠立閘
壹道寬伍尺貳渠立閘壹道寬伍尺其水澆灌
臨城戶民田地餘水至赤金硤滙流北行至水

硤直入花海子接總渠壹道澆灌戶民田地並
無餘水至惠回堡火燒溝腰泉子等處各就本
地泉水引渠澆灌戶民田畝並未成河惟白楊
河泉水開渠壹道澆灌民屯田地餘水滲入砂
磧

田賦

田賦原額壹歲征存留起運地丁京斗正糧貳
千伍百柒拾柒石捌斗陸升貳合肆勺柒觔草
肆萬肆千伍百玖拾貳束叁分柒厘歷年俱經

全完並無疲欠亦無起運銀兩

汛防

靖逆大路軍台壹拾貳處內

紅山墩

惠回堡墩

杀里墩

火燒溝墩

捌楞墩

青山墩

赤金硤墩

高見灘墩

叁拾里井子墩

沙崗墩

頭道溝墩

貳道溝墩

靖赤南汛自青頭山起至那木克渡止共卡墩

拾柒處

靖赤北汛自後柳灣起至木龍止共卡墩拾叁

處

驛遞

靖逆驛赤金硤赤金湖惠回堡每驛額設馬陸
匹夫叁名共馬貳拾肆匹夫壹拾貳名歲需夫
馬工料銀柒百陸拾叁兩貳錢倉斗糧柒拾貳
石外脩站價銀捌拾貳兩捌錢

山川

南山在靖逆城南壹百貳拾里南山之陽又有
雪山即古祁連其勢蜿蜒高聳雲外冬夏積雪

不消綿亘東西

牛尾山在靖遠南叁百伍拾里

紅山在赤金堡南捌里餘山上有古洞塑佛像
不知起自何代雍正陸年赤金衛守備段良材
捐資為倡士民從之創建殿宇山門鑄造鐘磬
廊舍廻繞又於獨山頂上建蓋八卦亭磴道曲
折崎嶇各設攔檻以便行走壯麗鉅觀洵為一
境之勝

寬臺山在赤金碕之東嘉峪關之西山寬如臺

故名

金山元和志在古玉門縣東陸拾里其山出金
寰宇記引拾叁州志云金山在延壽縣東有玉
石障

赤金碇山即赤斤蒙古之山碇也明叅將崔麟
追賊至此大捷又遊擊何准鉢和寺追賊於嘉
峪關又追敗之於赤金山蓋襲賊之徑道也
獨登山元和志在古玉門縣北拾里其山出鮮
白鹽甘美異常又名神雨山

古跡

寘安廢縣按靖逆衛在漢為寘安縣地方屬敦煌郡乃最東之邑與酒泉天依縣接壤者也漢書地理志云寘安縣有南藉端水出南羌中西北入境其澤溉民田即今之疏勒河水界於柳溝靖逆之間雖今之衛城不必即古之縣治而其為寘安縣地方無疑也

高見灘石碣在靖逆東戈壁中字跡剝落無考達里兔舊城在靖逆黑水橋南貳拾里其砂磧

中列廢堠拾餘處或亦古之要隘歟

金河五代晉高居誨使於闐記云肅州渡金河西百里又西百里出玉門關是也

沙頭廢縣在肅州西漢置池頭縣屬酒泉郡後漢改曰沙頭三國志魏黃初初敦煌功曹張恭遣弟華攻酒泉沙頭即此晉志元康伍年分沙頭縣屬晉昌郡

玉門舊縣在肅州西漢置酒泉郡非敦煌之玉關也闕駟曰漢罷玉門關屯戍徙其人於此置